

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
GRADSKI ORGAN UPRAVE**

Broj: 08-11-7-5492/22
Bosanska Krupa, dana: 29.06.2022. godine

Na osnovu člana 27. Zakona o lokalnoj samoupravi Unsko sanskog kantona ("Službeni glasnik USK, broj 8/11), člana 14. St. 4 Zakona o mladima FBiH ("Službene novine FBiH, broj 36/10) i člana 129. Odluke o izvršavanju Budžeta Općine Bosanska Krupa za 2022. godinu („Službeni glasnik Općine Bosanska Krupa“ broj: 3/22), i člana 5. stav 1. Pravilnika o kriterijima, načinu i postupku raspodjele sredstava iz Granta za mlade broj: 08-45-5116/22 od 28.06.2022. godine, na prijedlog Službe za opću upravu i društvene djelatnosti, Gradonačelnik raspisuje:

**JAVNI POZIV
za su/finansiranje projekata iz Granta za mlade**

Pozivaju se omladinska udruženja, fondacije i neformalne grupe mladih da kandidiraju svoje projekte koji će se su/finansirati iz Granta za mlade.

Osnovni cilj je podržati projekte mladih u različitim oblastima djelovanja:

- formalno, neformalno i cjeloživotno obrazovanje;
- zapošljavanje, mjere protiv nezaposlenosti, te omladinsko poduzetništvo;
- socijalna, zdravstvena i preventivna zaštita mladih, te reproduktivno zdravlje mladih;
- stambeno zbrinjavanje mladih;
- rad sa mladima, jačanje i razvoj sposobnosti mladih i slobodno vrijeme mladih;
- aktivno učešće mladih u javnom životu, izgradnja civilnog društva i volonterstvo;
- mobilnost i saradnju među mladima;
- informiranje i savjetovanje mladih;
- stručni rad i usavršavanje u vezi sa radom s mladima;
- usavršavanje za rad u omladinskim udruženjima i prostorima za mlade;
- omladinski turizam, oporavak mladih i boravak u prirodi;
- aktivnosti mladih po pitanju kulture, sporta, estetike, etike, ekologije, duhovnosti, humanističkih vrijednosti, lične i društvene odgovornosti;
- rad sa mladima sa posebnim potrebama;
- i druga pitanja od interesa za mlade i poboljšanje njihovih uvjeta života.

Pravo učešća na ovom Javnom pozivu imaju:

- omladinska udruženja koja se nalaze na spisku omladinskih udruženja na području grada Bosanska Krupa,
- fondacije koje rade za mlade,
- neformalne grupe mladih sa područja grada Bosanska Krupa, uz administrativnu podršku udruženja i fondacija registriranih u Bosni i Hercegovini (najmanje tri člana, od toga najmanje dvije osobe moraju biti mladi u dobi od navršениh 15 do navršениh 30 godina)

Omladinska udruženja, fondacije i neformalne grupe mladih po objavljenom javnom pozivu mogu prijaviti jedan ili više projekata. Maksimalan iznos sredstava za su/finansiranje jednog projekta iznosi **1.500,00 KM**, a maksimalan iznos koji može dobiti jedno omladinsko udruženje, fondacija ili neformalna grupa mladih iznosi **3.000,00 KM**.

Prijava treba sadržavati:

Za omladinska udruženja i fondacije:

- popunjen prijavni obrazac za omladinska udruženja i fondacije,
- rješenje o registraciji (ovjerena fotokopija, ovjera ne smije biti starija od 60 dana),
- uvjerenje o poreznoj registraciji (ovjerena fotokopija, ovjera ne smije biti starija od 60 dana),
- transakcijski račun (ovjerena fotokopija ugovora s bankom ili potvrda banke, ovjera ne smije biti starija od 60 dana),
- projekt koji se predlaže razrađen na propisanom obrascu koji je sastavni dio Javnog poziva.
- za projekte koji se provode u školama dostaviti pisanu saglasnost direktora škole,

Komisija za odabir projekata za su/finansiranje iz Granta za mlade će izvršiti provjeru u Službi za opću upravu i društvene djelatnosti da li se udruženje nalazi na spisku omladinskih udruženja.

Za neformalne grupe mladih:

- popunjen prijavni obrazac za neformalne grupe mladih, ovjeren i potpisan od strane udruženja koje pruža administrativnu podršku i koordinatore neformalne grupe mladih,
- rješenje o registraciji udruženja ili fondacije koje pruža administrativnu podršku (ovjerena fotokopija, ovjera ne smije biti starija od 60 dana),
- biografija svih članova neformalne grupe mladih,
- transakcijski račun udruženja koje pruža administrativnu podršku (ovjerena fotokopija ugovora s bankom ili potvrda banke, ovjera ne smije biti starija od 60 dana),
- projekt koji se predlaže razrađen na propisanom obrascu koji je sastavni dio Javnog poziva,
- za projekte koji se provode u školama dostaviti pisanu saglasnost direktora škole,

Komisija za odabir projekata za su/finansiranje iz Granta za mlade će izvršiti provjeru u Službi za opću upravu i društvene djelatnosti da li je neformalna grupa mladih dostavila detaljan finansijski izvještaj sa dokazima o namjenskom utrošku sredstava, ako su istoj dodjeljena sredstva u prethodnoj godini.

Omladinska udruženja koja su učestvovala na Javnom pozivu za su/finansiranje projekata NVO sredstvima Budžeta Grada Bosanska Krupa za 2022. godinu (Granta za NVO) i koja se nalaze na utvrđenoj Rang listi za su/finansiranje projekata sredstvima Budžeta Grada Bosanska Krupa u tekućoj budžetskoj godini, neće ostvariti pravo na dodjelu sredstava za su/finansiranje po ovom Javnom pozivu.

Komisija za odabir projekata za su/finansiranje iz Granta za mlade vrši odabir projekata na osnovu slijedećih kriterija:

a) Pozitivni kriteriji

- da se projekt odnosi na sve kategorije mladih grada i da će se provesti na području Grada Bosanska Krupa,
- da je ispoštovana procedura za pisanje projekta,
- da je jasno definirana ciljna grupa i da obuhvata veći broj korisnika usluga sa jednakom kvalitetom isporuke,
- da su očekivani rezultati mjerljivi, realni i ostvarivi,
- da angažira ili ima kao ciljnu grupu marginalizirane grupe (npr., osobe s onesposobljenjem, Rome, nacionalne manjine, socijalno ugrožene grupe itd.),
- da kao fokus ima ljudska prava, demokraciju, rodnu ravnopravnost, rad s mladima i politiku prema mladima, građanski aktivizam, ekologiju, zdrav način življenja, borbu protiv ovisnosti, seksualno reproduktivno zdravlje i slično,
- da mladi provode sve aktivnosti ili dio njih,
- da je budžet realan i u skladu sa aktivnostima.

b) Eliminatorski kriteriji

- Komisija za odabir projekata za su/finansiranje iz Granta za mlade službenom provjerom utvrdila da se udruženje ne nalazi na spisku omladinskih udruženja
- Komisija za odabir projekata za su/finansiranje iz Granta za mlade službenom provjerom utvrdila da neformalna grupa mladih nije dostavila detaljan finansijski izvještaj sa dokazima o namjenskom utrošku sredstava, ako su istoj dodjeljena sredstva u prethodnoj godini,
- sve aktivnosti se događaju van grada Bosanska Krupa,
- obrazac za projekte nije popunjen/ovjeren/potpisan,
- projektom se podržava rad političke stranke,
- projekt ne promovira rad s mladima, politiku prema mladima i volonterizam,
- nedostaju ključne informacije o projektu,
- aplikant ne ispunjava uslove Javnog poziva,
- Budžet u projektu nije jasan odnosno nisu detaljno razrađene sve stavke/nedostaje tačan iznos po stavkama.

Za ocjenu projekata na osnovu pozitivnih kriterija koristi se skala od 1 do 5 bodova za svaki od kriterija. Svaki član Komisije dodjeljuje bodove za svaki od kriterija pojedinačno. Konačna ocjena bodova predstavlja zbroj bodova svih članova Komisije.

Javni poziv za su/finansiranje projekata iz Granta za mlade **ostaje otvoren 15 dana** od dana objavljivanja u sredstvima javnog informisanja. U slučaju dostavljanja poštom, kao datum dostavljanja će se smatrati datum na poštanskom žigu.

Nakon završenog bodovanja pristiglih prijava objavit će se rezultati Javnog poziva na oglasnoj ploči i službenoj web stranici Grada Bosanska Krupa.

Nakon donošenja zaključka o raspodjeli sredstava, Gradonačelnik zaključuje ugovor sa aplikantima, koji sadrži prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještavanja o provođenju projekta.

Sredstva će biti doznačena nakon potpisivanja ugovora, jednokratno ili u ratama, u skladu s prilivom budžetskih sredstava Grad Bosanska Krupa.

Kontakt informacije:

Sabahudin Dizdarević - stručni saradnik za rad s mladima i nevladinim organizacijama

Tel: ++387 37 961-460

E-mail: sabo.dizdar@gmail.com

Prijave se podnose lično u zatvorenim kovertama putem Službe za opću upravu i društvene djelatnosti na protokolu Grada Bosanska Krupa ili preporučeno poštom na adresu:

Grad Bosanska Krupa, Terzića bb, sa naznakom „Za Komisiju za odabir projekata za su/finansiranje iz granta za mlade – NE OTVARAJ“

Predlagačima neblagovremenih, nepotpunih projekata i projekata koji su diskvalificirani zbog postojanja eliminatornih kriterija, te projekata koji su uvršteni na rang listu, ali za njihovo su/finansiranje nedostaju raspoloživa sredstva, Komisija dostavlja pismenu obavijest sa obrazloženjem.

Obrađivač:

Sabahudin Dizdarević, dipl.pravnik

ŠEF SLUŽBE

Ćamka Bešić, dip.pravnik

GRADONAČELNIK

Armin Halitović

Dostaviti:

1. Radio Bosanska Krupa,
2. Oglasne table Grada (2x),
3. Web stranica Grada Bosanska Krupa,
4. a/a.